

ITIE-UWA OKPOHO: UTEBE IKPE
Exodus 27:1-8; 38:1-7; 40:28-32; Leviticus 6:1-7; 7:1-7
QYQH QKPEP-NKPO 72

Eke Mkparawa

IKO IBUOT: “Ke eriduok iyip miduhe, eridahado inyuñ iduhe” (Mme Hebrew 9:22).

Isañ Ndika Ke Ataya

Eyak ida nte nnyin idu ke akwa akai-ikot Sinai, ke isaña nte nditọ Israel ika ke Ataya ndinam uwa usio-isop idiok-ñkpọ nnyin. Ema etim ebọp Ataya emi nte asañade ekekem ke mme item emi Abasi okonode Moses ke obot; ndien ke ini mme oku ekedoride ñkpọ uwa ke itie-uwa, utibe ikañ ama oto Heaven edita uwa oro. Ikanaha nte ikañ oro onime.

Nnyin isaña iduk inyuñ iworo ke otu mme ufok-ofon mbon Levi emi ebọpde ekanade Ataya ke ufot nna oro. Nnyin ito edem usiaha-utiñ iduk koro usuñ kiet ikpon odu ndisaña nduk efe esop emi akande Ataya okuk. Oto ekededi eke ediwukde Ataya ke akwa akai-ikot ke ini nduyo nditọ Israel, usuñ okodu kpukpru ini ke edem usiaha-utin.

Okure Ataya

Nnyin iduk ke okure emi akande Ataya okuk. Ekenam kpukpru edinam ukpono Abasi emi abañade otu emi mi. Baba owo kiet ikenyeneke unen ndibe efe esop ke mibohoke mme oku. Ke iso nnyin, nnyin imokut itie-uwa okpoho, emi ebọpde ñkañ mbinañ ukem- ukem ye nnuk ke kpukpru inuk esie. Okpoho ada onọ ubiere-ikpe; ndien ekeda okpoho enam itie-uwa emi ye kpukpru mme ñkpọ itie-uwa oro.

Abasi imaha idiok-ñkpọ, ndien ke usen ikpe kpukpru owo emi idiok-ñkpọ odude ke uwem mmọ eyebuana ke udiana mkpa. Abasi oyom eduok iyip man ofuk mme ikpo ye ñkpri idiok-ñkpọ owo. Idiok-ñkpọ ekededi, me edibiat Ibet, ana enyene ubiomikpe Abasi ke esit; ndien enyene ndisobo enye emi eduode edieke enye misañake ke usuñ erinyana Abasi.

Eyen-erof, Andida Itie Nnyin

Nnyin imada eyen-erof eke ofonde ama idi, eyen-erof eke minyeneke ndo, ndida nnam uwa usio-isop nno Abasi, ke abaña mme idiok-ñkpọ nnyin. Emi edi odu-uwem uwa emi owutde ete ke nnyin ima iyak idem nnyin ino Obon. Ndusuk owo inyeneke eyen-erof me eyen-enañ ndida ndi, edi idorenyin odu onọ mmọ ñko. Abasi ama onim ete mmọ eda ibiom me obomo ñkuku iba edi. Inaha nte ebiño owo ndomo kiet ndinyene utebe-ikpe idiok-ñkpọ.

Nnyin isaña idi ke iso oku ye eyen-erof nnyin, ndien enye etiñ onọ nnyin se ikpanamde. Nnyin isak iso ise edisana ebiet emi Abasi odude, ndien ikere, “Mmodori kpukpru mme idiok-ñkpọ mi ke afo. Ami mmanam idiok-ñkpọ, mmonyuñ ntua mkpofio koro mmayat Abasi esit. Mmodot ndikpa, edi Abasi ama odohọ ete ke afo, ekpri eyen-erof, emekeme ndikpa ke itie mi.” O! esit enem nnyin adaña didie ke ikutde ite ke Abasi omonyime ndibọ eyen-erof oro ke itie nnyin!

Iyip Emi Eduokde

Ekpri eyen-erof oro akpa. Oku otim obọ iyip oro odon ke akpañkpañ, onyuñ esime enye ke itie-uwa. Imonyime mme idiok-ñkpọ nnyin ke iso oku emi adade ke ibuot Abasi; nnyin imatua mkpofio ke mme idiok-ñkpọ nnyin, imonyuñ ida uwa idi ndisio-isop. Oku obọ se idade itie nnyin onyuñ owot eyen-erof oro ke ibuot nnyin. Abasi ama okut iyip ye mbuotidem nnyin, onyuñ oyuhọ ke esit; koro ke ndida ñkut ke mbuotidem, Jesus emi ekenyenede ndidi ndikpa nte Eyen-erof Abasi, nnyin imenyene utebe-ikpe.

Jesus, Eyen-erof Nnyin

Idahaemi, eyak nnyin ise se nnyin inyenede ndinam ke emana emi man enyaña nnyin. Abasi ke asasua idiok-ñkpọ, ke onyuñ ebire ikpe mkpa onọ owo ekededi eke enyenede idiok-ñkpọ ke esit esie. Abasi edi edisana, nnyin inyuñ ikemeke ndisaña ñkpere Enye ye idiok-ñkpọ ke uwem nnyin. Man idip idiok-ñkpọ oro ke iso Abasi, ana nnyin ida Iyip ifuk, koro “Ke eriduok iyip miduhe, eridahado inyuñ iduhe” (Mme Hebrew 9:22).

Nso ke nnyin idinam? Abasi iyomke nnyin iwot nditọ-erof aba, koro mmọ ekedi mbiet Jesus, ndien Jesus emedi. Nso ke Jesus akanam ndiñwam nnyin ke ini Enye odude ke isof? Enye ama eduok Iyip Esie ndifuk mme idiok-ñkpọ nnyin, ukem-ukem nte nditọ-erof ke Ataya ekewutde ete Enye eyenam. Jesus ama etiñ ete “Koro emi edi iyip Mi, eke obufa ediom, emi eduokde ebaña ediwak owo, man efen mme idiok-ñkpọ mmọ” (Matthew 26:28). Nte esit inemke nnyin ke idorenyin emi odude onọ nnyin oto ke Iyip emi Jesus okoduokde?

Mme Ukut Christ

Nnyin imeti nte ekpri eyen-erōñ akanade nte ọbọ ufen onyūñ akpa koro Nditọ Israel ema enam idiọk-ñkpọ, eyen-erōñ kiet ke mme idiọk-ñkpọ owo kiet; edi kere nte edisana Eyen Abasi ekenyenede ndikut ukut ke ini emi Enye akayakde Idemesie nte Eyen-erōñ emi akanade nte obiom mme idiọk-ñkpọ ofuri ererimbot. “Kpa ntre ñko Christ, ke ekewade Enye ini kiet ete obiom idiọk-ñkpọ ediwak owo” (Mme Hebrew 9:28). “Kpukpru nnyin idiyo nte erōñ:... ndien Jehovah ada idiọk ido nnyin kpukpru odori enye ke idem” (Isaiah 53:6). Kere baña mme ukut Jesus ke iñwañ mbemiso ekōñ Enye ke krọs, ke ini emi Enye ọfiokde nte mbiomo oro odobide; ọkọrọ ye mkpa Esie ke krọs ke mbuñ-osit. Edi Enye ama onyime ndibe ke utọ akwa ukut ye ndutuhọ oro man anyañ fi ye ami. Ke ini Jesus ekekpede utọ akwa ekọm-urua oro man Iyip Esie ekem nnyin udeme, nte nnyin ikpọsọpkesọp ida Iyip oro iyet ke esit nnyin man ibọ eridahado Esie ke mme idiọk-ñkpọ nnyin?

Ndusuk owo ibatke idiọk-ñkpọ ke ata enyene-ndik ñkpọ. Mmọ ekere ete imekeme ndidi mme anditiene-Christ ye idiọk-ñkpọ ke uwem mmimọ. Abasi ama ama ikpōñ-ikpōñ Eyen Esie akan nte nnyin ikemede ndima nditọ nnyin, edi Enye ama onyime ndikut nte Andinyaña akpade utọ idiọk mkpa oro man emen mme idiọk-ñkpọ nnyin efep. Ke ini oro kpa ke krọs, ke ini emi Jesus obiomde idiọk-ñkpọ ofuri ererimbot, Abasi ama odip iso Esie, koro Enye asuade idiọk-ñkpọ. Emekere ete Abasi ekeme ndikut idiọk-ñkpọ ke uwem owo ndien etre ndibieme ikpe mkpa nnọ enye?

Jesus, Oku Nnyin

Mme oku ema edu ke Ataya emi ekewade mme erōñ. Anie akawa Jesus? Enye ọkọrọ Idemesie. Jesus ekedi Eyen-erōñ, Enye ñko okonyūñ edi Oku. Enye osuk edi Akwa Oku nnyin ke Heaven, ke owowut Ete mme nde unan Esie emi man ofuk mme idiọk-ñkpọ nnyin. “Kpa nte Christ ñko akamade mbufo, okonyūñ ayakde Idem Esie ọnọ ke ibuot nnyin, nte enọ ye uwa emi edade esọk ufọk Abasi, emi osiode ufik eke enemde” (Nwede Mbon Ephesus 5:2).

Jesus Edi Usuñ

Nnyin imekpep ite ke Ataya ye kpukpru se ibañade enye, ekedi ndiwut uduak Abasi ke abañ erinyaña nnyin. Usuñ kiet ikpōñ okodu ndibe nduk, inua-otop emi okodude ke edem usiaha-utin. Nte omokut uwut-ñkpọ emi? Jesus ama ọdọhọ ete: “Ami ndi inua-otop: edieke owo ekededi ebete Mi oduk, enye eyekut erinyaña” (John 10:9). Enye ama ọdọhọ ete ke owo ekededi emi oyomde ndika Heaven ke usuñ eñwen edi inọ ye owo ñwo. Nnyin ikpoyomke Jesus okot nnyin inọ, ntre nnyin ibe iduk nte Ikọ Esie etemede nnyin: “Edieke nnyin iyararede mme idiọk-ñkpọ nnyin, Enye edi anam-akpanikọ onyūñ enen, ete ifen mme idiọk-ñkpọ nnyin, inyūñ iyet nnyin isana ke kpukpru mme ukwañkpọ” (1 John 1:9). “Yak idiọk owo ọkpōñ usuñ esie, yak oburobut owo ọkpōñ ekikere esie: onyūñ afiak etiene Jehovah: ndien Enye eyetua enye mbom; etiene Abasi nnyin, koro Enye eyewak ndidahado” (Isaiah 55:7).

Ebọ Utebe-ikpe Eto Iyip Jesus

Ke ntre, nnyin mfin emi imokut ite ke nnyin inyene ndinam ñkpọ ñkan ndinyime ke mkpọk-inua ite ke imenim Christ ke akpanikọ. Nnyin inyene ndikabare ñkpōñ mme idiọk-ñkpọ nnyin, ikpe Jesus ubọk ite ada Iyip Esie ofuk mmọ, inyūñ inim ke akpanikọ ite Enye adahado ọnọ nnyin. Ntre ke nnyin inyene utebe-ikpe ke iso Abasi, ndien “spirit ke Idem Esie etiene spirit nnyin edi ntiense ete, nnyin idi nditọ Abasi” (Nwede Mbon Rome 8:16); nnyin inyūñ inamke idiọk-ñkpọ aba.

Abasi ama ọdọhọ ete ke idiọk owo enyene ndikpa. Ekeme ndidi Jesus ama ọdọhọ “Nte ñkemeke ndida itie esie?” Abasi ama ama Eyen Esie, ke ntre ama abiak Enye ndikut nte Enye ọbode ufen; edi Abasi ñko ama ama owo, ntre Enye ama ọdọhọ Jesus ete ke Enye ekeme ndika ñkọduok Iyip Esie nnọ nnyin. Mfin, Jesus ada nte Akwa Oku nnyin ke iso Abasi, ke owut Enye nsọñ-urua Iyip oro, nditi Ebieri-ikpe nte ke ema ekpe ekọm-urua erifak.

MME MBUME

1. Didie ke eyen Israel ekekeme ndibọ edidahado ke mme idiọk-ñkpọ esie?
2. Nso utọ uwa ke enye akada edi?
3. Itie-uwa okpoho okodu ke mmōñ?
4. Nso ke inyene ndinam man enyaña nnyin?
5. Nnyin inam didie ifiok ke ini enyañade nnyin?
6. Nso ikedi ekọm-urua erifak nnyin?